

sach ist. won vns dv schreift
allv dar zv manet. daz wir
bihtet. vn vnser sond riuwet.
Vnser hre sprichet in dē ew
Gand hin ogent vch dē prie
stern. Dz ist also vil gespro
chen. Gant hin vnd ogent
mit d' bihte iur leten wie
ir gelept halēt den priestri.
Sant iacob sprichet. Bihtet
iur sūde. dvrtch dz. dz ir be
halten wdent. her salomō
spricht. Sit some dich an di
ner lekerde zv Gōtē. Der
willag ysayas spricht. En
binde diner sele kande ge
vangn mētsch. ¶ Dv drit
sach ist. won wir in schade
ligēt. dz ist in d' sele tot wō
so wir ie leng' ligēt i den
sunden. so es vmb vns ie
wurs stat. won am sūde
zohet die andn an sich. vn
so d' mētsch valtēt in dē sūn
den. so komet er kome der
von. vn geliebet im. dz er
si kome od' men' gelassen
mag. ¶ Dv vierde sach ist.

won vnser pin alle die wile
in d' helle wachset. die wil wir
in den sūden sint. vnd schai
dēt wir also hinnan vō durt
welt vngebihet. vn wir wol
mōhtint bihten. so sint wir
ewelich vlorē. vn so d' sūn
den ie me ist. so och der nōte
ie me wurt. hie od' nach di
sem lile. ¶ Dv funfte sach ist.
dz vns vnser hre so gar ver
gūt so wir lvelich gebihent
als wir nie sūde getan het
tint. Ich sprich ioch me dz er
vns vgit die sūde gar. so
wir ioch nymēt gedenkent
ze bihten. vn wir des willen
habent dz wir bihten went.
Also spricht d' willag. Ich spāh
dz ich bihten wolte. vn dv hre
vgābt mir min sūde. Dis
sint die sachen die vns dar
zv raitzēt dz wir gern bih
tent. vn die biht mit frubēt.
Von der sele leitunge.
Der willag ysayas spr
chet. lichen tohtia von
syon empfach dinen herren